

Digitized by the Internet Archive
in 2010 with funding from
University of Ottawa

SENSVRE DE LA
SACREE FACVLTE' DE
THEOLOGIE DE PARIS, CON-
tre quatre propositions, tirees d'un li-
ure ainsi intitulé.

*Trois tres-excellentes predications, prononcées au iour &
feste de la beatification du glorieux patriarche,
le bien heureux Ignace, fondateur de la
compagnie de I E S V S.*

TERTIA EDITIO.



A PARIS.

M DC. XII.

SEMPER DE LA
SACRE FACULTE DE
THEOLOGIE DE PARIS, con-
tra quatuor propositiones, tractatus
de unitate.


Imprimatur
M. de la Roche
le 10. de Mars 1684.
L'abbé de la Roche
L'abbé de la Roche

TERCIA EDITIO.



PARIS

M. DC. XII.



CENSVRE DE LA
SACREE FACVLTE' DE
THEOLOGIE DE PARIS,
contre quatre propositions, tirees d'un
liure ainsi intitule.

*Trois tres-excellentes predications, prononcees au iour &
feste de la beatification du glorieux patriarche, le
bien heureux Ignace, fondateur de la
compagnie de IESVS.*

L'AN de nostre SEIGNVR, mil
six cens vnze, le premier iour
d'Octobre, La Sacree faculté
de Theologie de Paris, apres
auoir solemnellement celebre la Messe
du Sainct Esprit, à tenu son assemblee
ordinaire, en la Salle du College de Sor-
bone; en laquelle honorable Maistre
Iean Filesac Docteur de ladicte Faculté,
Curé de Sainct Iean, & Theologal de
l'Eglise de Paris, à remonstré, Que quel-

ques personnes de ceste ville, doüez, de pieté, Auctorité & Doctrine, luy ont apporté vn Liure intitulé.

Trois tres-excellentes Predications, prononcées au iour & feste de la beatification du glorieux Patriarche, le bienheureux Ignace, fondateur de la Compagnie de IESVS, par le Reuerend P. & Docteur, Frere Pierre de Valderame, Prieur du Conuent de Saint Augustin, de Seuille : Le Reuerend Pere & Docteur, Frere Pierre Deza, de l'Ordre Saint Dominique, au Conuent de Valence; le Reuerend Pere presenté Frere Iacques Rebulloza, du mesme ordre Saint Dominique, en la Cité de Barcelonne, &c. Imprimé a Poictiers par Anthoine Mesnier, Imprimeur & Libraire ordinaire du Roy, en l'vniuersité, 1611.

Et que lesdictes personnes d'auctorité, desirent fort sçauoir, Si la Faculté de Paris, à agreable & rattiffié l'Aprobation de ces trois Sermons, faite par Frere Nothieu le Heurt, Docteur en la mesme Faculté, & principalement quel est son aduis des quatre articles suiüans, qui donnent scandale à vn grand nombre de

Catholiques.

Le premier est ainsi couché au Sermon de Frere Pierre de Valderame, page 54. & 55.

Nous sçauons bien que Moyse portant sa baguette en main faisoit de tres-grands miracles en l'air, en la terre, en leau, és pierres, & en tout ce que bon luy sembloit, iusques à submerger Pharaon avec son armee dans la mer rouge. Mais c'estoit l'inefable nom de Dieu, que le docte Toftat Euesque d'Auila, dit auoir esté graué en ceste Verge ou Baguette, lequel operoit ces merueilles. Ce n'estoit pas si grand cas, que les creatures voyans les Ordonnâces de Dieu, leur souuerain Roy & Seigneur, sous-cryptes de son nom, luy rendissent obeissance. Ce n'estoit pas aussi grande merueille, que les Apostres fissent tant de miracles, puis que c'estoit tout au nom de Dieu, par la vertu & pouuoir, qui leur en auoit donné, le marquant de son cachet: (In nomine meo dæmonia eiicient, linguis loquentur nouis, &c.)

Mais qu'Ignace avec son nom escrit en papier, face plus de miracles que Moyse, & autant que les Apostres, que son si-

gnet aye tant d'authorité sur les creatures
quelles luy obeissent soudain, c'est ce qui
le nous rend grandement admirable.

Le second en la page 91. du mesme
Sermon. Tandis qu'Ignace viuoit, sa vie
& ses mœurs estoient si graues, si saintes,
& si releuees, mesme en l'oppinion du
Ciel, qu'il n'y auoit que les Papes, comme
Saint Pierre; les Imperatrices, comme
la mere de Dieu: quelque souuerain mo-
narque, comme Dieu le Pere, & son Saint
Fils, qui eussent le bien de la voir.

Le 3. au Sermon de Frere Pierre Deza,
page 111. & 112. Sans doute, les autres
fondateurs des ordres Religieux furent
enuoyez en faueur de l'Eglise, &c.

Nouissime autem diebus istis loquu-
tus est nobis in filio suo Ignatio, quem
constituit hæredem vniuersorum.

Et auquel il ne manque autre poinct de
cette louange, (que, per quem fecit &
secula.)

Le quatriesme est au sermon de frere
Iacques Rebulloza, page deux cens sept-
tante.

Le martyr Ignace portoit vn tant parti-
culier affection au Saint Pere & Pape.

de Rome, comme au legitime successeur de Iesu Christ, & son Vicaire en terre.

La quelle Remonstrance entendue, & les quatre susdits Articles meurement & diligemment examinez, la Faculté considerant que les heresies naissent mesme des paroles mal exprimees, comme l'enseigne saint Hierosme dans le Maistre des Sentences, (nonobstant l'opposition d'honorable M. André du Val, disant, que lesdits Articles se peuuent benigne-ment interpreter) Est d'avis.

Quand au premier Article, que cette maniere de parler, par laquelle le nom de la creature semble estre esgallé au nom de Dieu Tout-puissant, & outre, les miracles sont amoindris & diminuez pour auoir esté faicts au nom de Dieu? & finalement des miracles incertains sont preferez aux miracles qui doiuent estre tenus pour Articles de Foy, est scandaleuse, erronee, blasphematoire, & impie.

Quant au second Article, que cette assertion feignat que Dieu receu quelque bien par la vision d'une creature, est scandaleuse & contient en soy vne heresie manifeste.

Quant au 3. Que l'accommodation du
 texte Literal de S. Paul, (en ces derniers
 iours, &c.) à vn autre qu'a Iesus Christ,
 est scandaleuse, erronee, & ressent vn pur
 blaspheme, & impieté.

Quant au dernier Article, qu'il contient
 deux parties toutes contraires, l'vne des-
 quelles destruit l'autre : car la derniere,
 Sçauoir que le Pape est Vicaire de Iesus
 christ en terre, est Catholique, Mais la
 premiere, sçauoir, Que le Pape, est legi-
 time successeur de Iesus Christ, contient
 vne forme de parler du tout heretique.

Signé, PETIT-IEAN.

